

近代中國史料叢刊第十六輯

沈雲龍主編

成山老人自訂年譜

唐炯著

文海出版社印行

成山書


季譜

附錄一 卷鄉後學 姚華書

宣統二年三月刻于京師

成山老人十八歲像





丙戌夏余繫部獄已更再冬罪且不測徇兒輩請粗述平生  
險阻艱難情狀今年夏病中復取而刪削整理寫爲六卷藏  
於家以示子孫若夫懷挾恩怨虛構事跡顛倒是非自信無  
有而其時之得失藉可考見他日史氏不無取焉

光緒三十年冬十月成山老人唐炯自題



成山老人自撰年譜

卷一

先世相傳江西撫州府金谿縣人明時有官四川涪州者遂家焉世繫不可得考

國初我始祖象明公避流寇難自涪至遵義占籍爲遵義唐氏子介石公康熙壬子舉人授山西陽曲縣知縣治行卓然入名宦祀鄉賢子爵三公拔貢選廣元縣教諭卓異送部

聖祖仁皇帝召見

試保和殿



賜蟒衣筆墨授廣東陽江縣知縣縣人稱爲唐菩薩子君

來公側室陳夫人出邑增廣生 她贈通議大夫陝

西按察使配葛夫人 她贈淑人子秉藩公郡庠生

鄉黨稱孝友無間言 誥贈通議大夫陝西按察使

例晉資政大夫配宦夫人 誥贈淑人例晉夫人子

直圃公嘉慶戊午舉人大挑籤分廣東歷署英德清遠

知縣廉州海防同知欽州知州補陽山縣知縣廉慎誠

篤所至士民樂化胥吏畏威 誥贈通議大夫例晉

資政大夫配王夫人 誥封淑人例晉夫人子威恪

公語在行略志狀

繼配劉夫人

夫人出煦劉夫人

王夫人於貴陽城

公於成山自爾定

道光九年己丑

三月二十一日子

先君丙戌大挑籤

尹公濟源檄赴本

一歲了京省控一千五百餘件總督盧敏肅公坤才之  
奏補咸豐縣知縣是年奉檄署天門縣事

庚寅

年二歲

十月先君奉檄調補監利先行署理時監利大水公私  
隄埝潰決流離滿道狂狡羣聚剽掠勢艱甚莫可措手  
戚友咸勸以病辭先君亦自念橐中餘三千金歸讀書  
著述足自度計良得既而繞屋行且行且念忽拊膺曰  
吾不救此方民誰救者乃毅然赴任至則乘單舸周歷

災區隨宜振卹不逞之徒悉禽置諸法民情大定乃議  
修築江隄三百七十餘里以工代賑明年工垂竣水暴  
至撼隄隄不沒者數寸吏民驚走先君獨立水中度不  
可救卽以身塞其衝天忽反風水南趨立減二尺餘吏  
民稍稍復集掖先君出俄有虛舟浮而至亟實土沈之  
補隄隙得完士民驚爲神刻石紀其事總督盧公以事  
道出該境先君迎謁與論事不合投袂而出盧公怒乃  
閱所治隄還驛館復召先君先君入盧公降階迎謂賢  
父母何以得民如此出示巴陵華容民呈皆有乞監利

唐青天辨撫振語云

辛卯

年三歲

壬辰

年四歲

先君奉檄調署江夏縣事

癸巳

年五歲

始發蒙

八月六日先妣王夫人卒於江夏官署病革時夢至陽山公所先王母王夫人告以死日至期沐浴冠服呼炯兄弟四人環牀前正坐而歿

甲午

年六歲

先君升漢陽同知赴部引

見仰蒙

宣宗成皇帝召見詢監利隄工甚悉顧謂軍機大臣曰永倅中尙有此人否

是年冬先繼妣劉夫人來歸

乙未

年七歲

先君

簡授甘肅鞏昌府知府

從天門胡先生子重讀受四子書

先君爲聘姚夫人初外舅小山先生奇愛夫人常欲得  
貴壻往來大江南北名公卿家無當意者已交先君一  
見余則大喜曰是真可以匹吾女矣侍御翠珊王丈夫

人師也爲之言故兩江總督陸公建瀛貴州巡撫喬公  
用遷又相繼言之先君謝曰小山豪富吾家貧吾懼其  
女之不耐也先生恚曰我與若至交若乃輕我及是年  
夏赴鞏昌府任瀕行監利王先生又以爲言先君乃懽  
然爲納幣焉

丙申

年八歲

隨二兄三兄從嘉應廖先生讀先生諱紀字秋僑後易  
子僑少年以梅花梅影詩得名與楊秋衡李秋田時日



爲嘉應三秋性孝友衣冠古樸直諒多聞先陽山公視  
之猶子先君同讀書玉山草堂獎善規過深受其益甲  
午訪先君於楚先君奉

命守鞏昌約同度隴至是命余兄弟受業焉

丁酉

年九歲

先君守鞏昌前後二年餘歲豐民和郡以無事乃修葺  
夷齊祠墓手書明郡人楊恩首陽山辯刊石置祠壁建  
永濟橋威遠樓增膏火獎掖寒畯士爭自濯厲始相繼

登甲乙科先君殉難士民相率爲位弔哭列狀請祀名  
宦總督以聞報可乃醮金建祠肖像以祀有事輒祈禱  
云

戊戌

年十歲

夏固原提督胡超減軍糧養優人合營譟劫州倉粟勢  
且爲亂總督檄先君權平慶涇道治其事固原得無禍  
冬先君調補蘭州府士民稱爲白面包老云

己亥

年十一歲

學作五言詩

庚子

年十二歲

辛丑

年十三歲

壬寅

年十四歲

先君奉

命擢蘭州道

學舉業余請明年歸家應鄉試先君諭曰伊川先生言少年登科一不幸汝年尙穉無汲汲進取也

癸卯

年十五歲

春先君隨總督富呢揚阿公辦理西甯番務事竣

賞戴花翎

廖先生歸里先君命自課讀先生視余兄弟如子自三兄歿意忽忽不樂言輒淚下遂患噎膈先君勸之歸先

生爲陽山公記室久悉余先世諸孝友艱難事課讀暇輒爲講說及歷代名臣嘉言懿行余小子數十年來立身制行不敢遺先人羞者由先生有以植其始基云

甲辰

年十六歲

乙巳

年十七歲

先君奉

命按察陝西入

覲十月抵任

從巴陵毛先生西原學舉業古今體詩

十二月姚夫人來歸

丙午

年十八歲

陝西大旱巡撫林文忠公奏以先君署布政使文忠公議令村自爲振先君持不可先是乙巳冬無雪先君謂來年當大旱檄行屬縣各以其戶口幾何村堡幾何相去道里幾何公私蓋藏幾何分具圖籍各卽其間見條

陳來上至是彙而上之文忠公量災之輕重地之肥瘠斟酌成法纖悉具備千里外如指諸掌朝令夕行民忘其災文忠公持大綱畫諾而已

歸家應鄉試報罷

丁未

年十九歲

先君奉

命布政湖北入

覲是年春抵任

戊申

年二十歲

夏湖北大水被災三十一州縣九衛先君親履災區二千餘里計撫振修防需八十萬金反卽備詳請奏總督難之力爭四五日始入告先君遽啟庫以次檄發總督急來署阻止謂先君有幾許家資萬一不蒙

俞允將何以償獨不爲子孫計乎先君曰

堯舜在上必不忍吾民失所然計自交部議至他省撥解到展轉須三四月延至爾時始料理則老弱之死於溝壑



者不知其幾何矣且聚百萬饑民而不早爲之所脫有  
奸人倡率爲亂更煩兵力所傷實多今勢不可緩設有  
嚴譴某獨當之於是簡牧令中才勝任者專責之才不逮而  
心平正者委員佐之皆令延邑公正紳耆助理凡振之  
戶口振銀之多寡清核散放後一律榜示其移振歸工  
處所由官約紳耆逐段勘估加高培厚按月接築工段  
丈尺土方數目監修承修委員首事書役姓名木簽備  
書揭於工段之首用備稽考又詳委龔觀察某赴荊州  
安陸二府姚觀察某赴武昌漢陽黃州三府督辦其舟

與薪水人役飯食皆分廉佐之江夏漢陽棚棲災民計十七萬餘口自八月杪至十一月杪止計口給錢皆安靜無疾疫死亡復各給一月糧遣還鄉里楚人德之比之宋富公青州趙公越州云

長子我壩生

己酉

年二十一歲

先君奉

命護理巡撫是年復大水事益掣肘先君歎曰吾一日居於

其位則吾一日當盡其職吾一日不得盡其職則吾一日不可安其位十月監臨事竣是科湖北鄉試改於九月入闈拜疏乞病報可十一月買舟歸里楚中官商餽饘數萬金一謝絕不受到家仰承陽山公志以祿入所積在遵義建宗祠置田養贍宗族

鄉試中式十七名舉人姚夫人偕上公車

從監利王先生學古文

庚戌

年二十二歲

會試報罷留京師交貴筑黃子壽平生師友道誼骨肉之愛嘉應廖先生監利王先生子壽丁文誠公而已

咸豐元年辛亥

年二十三歲

次子我圻生

壬子

年二十四歲

會試報罷久違二親請歸省先君書諭且留過明春會試倘不獲售以後出處聽汝矣

是秋粵賊竄圍長沙十二月陷武昌漢陽男女死者七十餘萬人

癸丑

年二十五歲

先君奉

命赴楚幫辦撫卹炯自京師省先君武昌六月先君命歸總家政瀕行諭以吾此來鞠躬盡瘁死而後已然必轟轟烈烈尋一死所斷不使汝曹他日銘志行狀作一曲筆汝曹亦宜自愛努力讀書奉養母嫂教姪兒輩無媿唐

子方之子可耳八月至家十二月自家赴楚明年正月  
二十二日馳抵金口先君略問家事數語卽告以誓師  
始末時巡撫尙遣人持令來調炯問如何處置先君奮  
然曰丈夫甯如江中丞死耳次日難作余奉遺疏及按  
察使印倉皇奔走道遇胡公林翼以印授之胡公贈一  
馬每日辨色冒雨行逮夜半借宿道旁茅舍衣履透溼  
無可易者乃聚松毛然火燎之氣騰騰上自踵至頂以  
次乾便倒臥地上時居民皆遷避往往竟日不得食如  
是七日始達岳州先是僕人分散有奔至螺山者王先

生聞余得脫急覓一舟維岳陽樓以待遂登舟移泊君  
山下次日黎明遙望賊舟至城陵磯天又大風波浪如  
山民舟萬餘東西紛馳覆沒者無數余亦逆風行至長  
沙以遺疏呈巡撫駱公秉章不得上先君臨難時命以  
臬司印交胡公林翼遺疏賫至長沙請駱公代奏如不  
肯便至衡州呈曾公余遵命行歸家後貴州巡撫准部  
文奉 上諭賜卹如例檄貴筑縣轉行知照始得見  
駱公奏略謂據貴州委員黃鳳稟據湖北臬司唐某家  
人何升交到湖北臬司印口稱家主某日某處與賊接

仗家主手刃紅衣賊目一名隨即殉難該家人身受火藥傷言畢火毒攻心旋亦死云云部議何升照兵丁陣亡例 賜卹余家固無此僕也後見黃君詢其故蓋胡公慮收受臬司印到武昌必爲巡撫傾陷商令黃君如是稟耳軍營奏報不實大都如此事關先君大節故詳著俾後世有所徵信焉乃至衡州上書侍郎曾公國藩公允爲上達曾文正公片奏再湖北按察使唐某於正月二十三日在鄂省上游之鮎魚套殉難當經手續遺摺遣伊子舉人唐炯賚赴鄂垣陳乞代奏時因下游



賊氛阻隔鄂城門已封閉不能前進唐炯間關跋涉赴  
臣行營呈稱伊父力竭捐軀有封就遺摺懇爲代奏等  
情查該臬司曾任二品大員素著循聲慷慨殉難旣據  
伊子籲請代遞遺摺不敢壅於上聞所有湖北按察使  
唐某遺摺一件理合據呈轉達謹奏咸豐四年二月初  
二日反至長沙賊已據喬口復泝江至衡州取道寶慶  
沅州三月抵家遵遺命衣冠招魂葬有日得彭器之書  
巡撫青麀以尋獲先君骸骨入告適聞官軍收復岳常  
十一月馳至金口啟棺徵驗不爽乃奉以歸葬於成山